

2568港生申內地免試升學

確認率88% 醫藥經管金融最搶手

2017年「內地部分高校免試招收香港學生計劃」上月30日已截止報名及完成現場確認程序。應屆中學文憑試考生減少6000餘人，今年免試計劃確認人數亦相應較去年略減，最終有2568人辦理確認手續。眾多院校中，仍以廣東、上海和北京的大學最受歡迎，學科則以醫藥類和經濟管理金融貿易科目最搶手。

大公報記者 唐曉明

免試招收港生的計劃已踏入第六年，參與計劃的院校比去年增加了六所，分別是中央財經大學、北京郵電大學、東南大學、浙江師範大學、武漢理工大學及西安交通大學。參與計劃的90所院校分布內地十五個省或直轄市及一個自治區。

負責招生的中國教育留學交流（香港）中心主任鞏萬昨日表示，今年共有2919人網上報名，最終現場確認人數為2568人，確認比率高達88%，較去年86.3%有所增長。他補充說，應屆中學文憑試考生比去年減少6000餘人，雖然最終確認人數較去年減少121人，但在學生報名比例上沒有減少。

「985工程」大學受歡迎

此外，「港澳台聯招」及六校自主招生計劃（北京大學、清華大學、復旦大學、中山大學、暨南大學及華僑大學經國家教育部批准可自設收生準則或入學考試），「港澳台聯招」有2478人，六校自主招生計劃暫有2777人報名，分別比去年同時期上升200人及968人，整體申請北上升學人數逾

7800人。鞏萬直言，內地大學在世界排名日趨上升，吸引港生考慮北上升學。

今年免試招生計劃中被選為首志願院校的地區，仍然集中廣東、上海及北京的大學，但院校分布日趨多元化，特別是「985工程」大學，如武漢大學、廈門大學、南京大學、浙江大學、南開大學和四川大學。最受歡迎的免試招生院校，依次為中山大學、暨南大學及廣州中醫藥大學（詳見表）。鞏萬稱，廣東省學校始終在地理及文化方面都與香港相近，港生會較有興趣。

鞏萬續表示，港生選科方面，以醫藥類（包括中醫）及經濟管理金融貿易科目最受歡迎，分別佔11.7%及11.1%，其次依次為語言類（4.8%）、新聞傳播（3.3%）及歷史（2.1%）。另外，中國教育留學交流（香港）中心計劃於七月中旬，邀請學生報名較多的25所內地高校，派老師和在學港生為即將赴內地升學的學生作諮詢輔導，如有需要可於六月中旬到免試招生網站預約，網址為：http://www.umainland.hk。



▲排港生首志願報名的免試招生大學是中山大學
網上圖片



最多港生首志願報名的免試招生大學

1. 中山大學	6. 上海交通大學	11. 北京大學	16. 北京師範大學
2. 暨南大學	7. 清華大學	12. 深圳大學	17. 浙江大學
3. 廣州中醫藥大學	8. 中國人民大學	13. 北京中醫藥大學	18. 南開大學
4. 武漢大學	9. 復旦大學	14. 同濟大學	19. 四川大學
5. 廈門大學	10. 南京大學	15. 廣州美術學院	20. 上海外國語學院

註：依受歡迎名次排序

資料來源：中國教育留學交流（香港）中心

港人愛睇咩書？ 考評局試題登榜首

大家有幾耐無去過圖書館呢？又或者，大家鍾意去圖書館借咩書呢？民政事務局書面回覆立法會議員提問，大家估下舊年成人中文非小說類書籍嘅頭十位係邊十本書呢？

其實都容易估啫，十本之中，有九本都是旅遊書，當中有七本都係日本，睇嚟香港人真係真係好鍾意去日本，似乎想去勻成個日本添。第十位就係《日本北海道：札幌、小樽、旭川、登別、洞爺湖》，借閱量高達8777次。至於第七位，就係《日本中部：名古屋、金沢、高山、白川鄉食玩終極天書》，借閱量高達9692次。至於港人經常去嘅東京，《東京食玩終極天書》排名第二，借閱量有12859次。

應考天書 館藏得1009本

其餘兩本唔係日本嘅旅遊書，一本就係關於首爾及濟州，排名第八，另一本就係新加坡，排名第五。好啦！到底第一位係咩都係旅遊書呢？係咪都係日本呢？恐怕大家要失望啦！因為第一位



▲十本最受歡迎借閱嘅書籍有九本係旅遊書

就係《香港中學文憑考試·中國語文》，借閱量有12933次。點解咁受歡迎啊？鄭晴八返來，話呢本《香港中學文憑考試·中國語文》係由香港考試及評核局出版，附評卷參考及聆聽考試光碟，

亦包括之前數年嘅試題專輯，可以話係應考必備，難怪咁多人借啦。不過，呢本書圖書館館藏數量只有1009本，鄭晴覺得真係名副其實「書到用時方恨少」囉！

創新科技再工業化委會 巨星雲集

政府宣布成立創新、科技及再工業化委員會，雲集創科、工業界巨星，包括曾任阿里巴巴集團副總裁兼「大數據一哥」車品覺、AI創業加速器Zeroth.AI創辦人盧德俊；仲有工業總會「巨頭」，榮譽會長鍾志平、主席鄭文聰、副主席郭振華等等，星光熠熠。

今次嘅委員會，以較高層次同跨局方式，統籌香港創新及科技發展，同再工業化的進程。

委員會由財政司司長擔任主席，任命即日生效，為期兩年，首次會議計劃今年五月舉行。

除咗財爺陳茂波做主席之外，當然

委員仲有本港四大創科基地巨頭，香港科技園公司董事會主席羅范椒芬、香港數碼港管理有限公司董事局主席林家禮、香港應用科技研究院有限公司董事局主席王明鑫同埋香港生產力促進局主席林宣武。鄭晴都好期待嚟緊有咩新橋出台！

九巴抽獎 頭二三獎中咗無人領

有獎竟然無人撿？九巴及龍運巴士早前推出「九巴龍運大抽獎」活動，最後一期「每月大獎」截至昨晚六時，頭二三獎包括價值21000元嘅旅遊禮券、名牌電風扇、高麗參，仲冇有人撿啊！其實玩法好簡單，乘客用八達通搭九巴或龍運累積

指定積分就可以自動參加抽獎，得獎結果一早就公布咗，市民只要登入九巴網頁（www.kmb.hk），輸入自己嘅八達通背面號碼，就可以咗到係咪得獎，今個星期六（4月15日）前仍未領獎，將作棄權論。頭獎至10獎必須係辦公

時間致電3406 7448查詢領獎安排，但今日係公眾假期，大家即管可以試下打去；至於「每日獎」同11獎至22獎，只要係聽日或之前，前往尖沙咀碼頭巴士總站之九巴顧客服務中心出示有關八達通卡，即可領取獎品，仲唔把握最後機會？

戴口罩鬼鬼祟祟 鄭松泰淪過街老鼠

熱血公民主席鄭松泰舊年喺議事廳內倒插國旗及區旗，結果日前就被警方落案起訴侮辱國旗罪及侮辱區旗罪，下周二喺東區裁判法院提堂。尋日鄭松泰去到金鐘站搭港鐵，佢當時畀人指指點點，於是行埋一邊，立即喺背囊攞咗個口罩出來戴，以免再被人認得。係咪官司纏身，所以無面見人呢？鄭晴就唔知啦！平日就咁勇武，而家居然要戴口罩避開市民目光。你估自己真係明星咩？真係又要擺威，又要戴口罩囉。



▲鄭松泰攞口罩出來戴，以免被人認得指指點點
大公報調查組攝

《南山七小福》宣揚關愛 女作者慘遭網絡欺凌

本港部分傳媒最近斷章取義炒作，聲稱兒童讀物《南山七小福》部分情節出現嘅奸角，疑似影射日本政治人物，例如「麻彥太郎」、「加倍進餐」等，有向兒童洗腦、煽動仇日情緒之嫌疑。該書作者朱穎詩同佢嘅家人其後遭受網絡欺凌，有網民竟將朱穎詩患有自閉症嘅女兒相片貼上網咒罵，毫無道德底線。

朱穎詩就喺Facebook專頁上載短片回應，指《南山七小福》純屬兒童文學創作，內裏人物及情節純屬虛構，內容如有雷同，實屬巧合，希望各方不要過分解讀。《南山七小福》創

刊至今近五年，內容講述七隻貪玩神仙狗的日常生活，故事匯聚了中華文化、傳統美德、神話傳說、成語錦囊、歷史知識及社會時事。朱穎詩指，唔少故事係宣揚互助互愛、關愛社群、包容共濟、愛好和平等良好品德，只要閱畢內容，相信大家會明白，所謂的「挑動仇恨」絕對唔係作品嘅創作本意。

鄭晴覺得，網絡欺凌近年係屢見不鮮，用語往往係惡毒詛咒，人身攻擊，好似要用語言將人咁置諸死地，有時更扯埋其家人，害苦了無辜嘅家人，此風絕不可長。

大咗鬼衝出香港 進軍國際

大咗鬼咁深入民心，唔知近期有咩搞作呢？當大家喺個復活節假逍遙快活嗰陣，原來大咗鬼已經衝出香港，「進軍國際」呢！不過以佢咁搞鬼嘅性格，好明顯就係講笑啦！所謂進軍國際，其實就係去迪士尼樂園參觀，佢扮成「米老鼠」咁嘅樣。「鬼鬼」仲好幽默咁話，好榮幸「我有機會同咁多位影視紅星開會，仲畀我微服入到去視察佢哋嘅廚房，睇下佢哋點樣好好利用剩食添」。

